


www.BibleForChildren.org

मत्ती 8




पछ तीसरे दहाड़े गलीलन काना गाँव मा कुनीन एकान शाक हुती, आरू ईशुन आया भी चाँ हुती। ईशु आरू उका चेला भी उका शाक मा आवला हुता।



जव अंगुर क रस घट गयलो, ते ईशुन आया उका कयी, “हेरेन जु अंगुरन रस नी रोयु।” ईशुन आया सेवकों काजे कयी, “जो काहय त्यो तुमूक कये, चो करजु।”




ईशु ने उका कयो, “दुसराम पानी भर देवु।” चाँ तीनुक मुयेमुये भर दिदा। तव उका कयो, “हिमी निकळीन भोज प्रधानन साथे ले जावु।” आरू चाँ ले गया।



जव भोज प्रधानन चाँ पानी चखा, जु अंगुर रस बन गयु हतु आरू नी
जानतु छे कि त्यो क से आवलु छे पुन जा सेवके पानी काहडला हुता चाँ
जानता हुता, ते भोज क प्रधान ने
दुल्हा बुलावीन उका कयो,
“हर एक मानसु पेहल वारलु
दाखरस देतु छे, आरू जव
मानसे पीईन साक जाता छे,
तव मध्यम देता छे; पुन तु ने
वारलो दासचस हिमी
तव मेक छुडे छे।”





ईशु गलीलन काना मा आपनो यो पेहलो सहलानी
देखाडीन आपसी महिमा प्रगट
कन्यु आरु उका चेला क
पर विश्वास करलो।



आरू ईशु पतरस क घर आवीन ओकी सासु क तेज
बुखार सी पड़ रहवली देखियो।




ईशु ओको हाथ छिमियो आरू उको ज्वर उतरी गियो;
आरू त्या उठीन ईशुन सेवा करने लाग गयो।



दाहड़ो डुबने आरू शान्तो हयने क बाद मा लोगहन ईशु क त्या लोगहन
क पास लाया आखा मांदला आरू साहळा से भरायलान
क ओका पास लाया।

आरू आखा नगर क मानसे
झोपला पर एखटा हुया।




आरू ईशु घणा जन क जो भातीभातीन बेमारी से दुखी हुता, तिनुक
आरगा करियो; आरू घण सवटी साहळा क लोगहन मा से निकालियो;
आरू दृष्टात्मान क बोलने नी दिदो, काहकि ची आत्मा ईशु जानती हती।




सब ओको हात लागाड़ ने जुवता हुता, काहकि उको छे शक्ति निकावीन
सब क वारू करती होती।



आरू मानसे एक लखवा सी बीमार क चार मानसे
ओको हुकलीन ईशुन साथे ली आश।



पुन जोत्यार चाँ गर्दीन कारण ईशुन चाँ नी
पुचाय सक्यो, ती चे घर क उपर तिनान घरन
नेडु ईशु हतु, खुल दिदा आरू चे
इनाक उधार दिदा, ती खाटला पर
लखवान बीमार पड रयु हतु,
तीनाक लटकाड
दिदा।




ईशु तेरू विश्वास देखीन तीन लखवा वावा कयो “ए पोऱ्या तारू पाप माफ होय गयु” तव कोय शास्त्री चाँ बठ रया हता आपसा-आपसा मनमा विचार करणे लाग्या, “यु मानुस काँ ओसो कयतो हतु? यु ते यहोवा भगवानन बुरा विचार करता छे! यहोवा भगवान क छुडीन आरू कुन पाप माफ कर सकता छे?” “हाव तखो कयो, उठ, थार खाटली हुचलीन थारे घर जाती रोवे।”



जव त्यो ढोंड्या पर चढियो, तो ओका चेला ओका पछोळ चालने
लागिया। आरू नदी मा एक मोटो वादुन
उठियो कि ढोंड्या लेहरो सी ढाकायने
लाग गय; आरू ईशु सूय रीयो हुतो।



ईशु त्या लोगहन सी कयो, “ए विनभुरसीया, कायको बीहयो?” तव त्यो उठीन वादुन आरू पानी क लड़िया, आरू सब धीरो हुयो गियो। अतरा पर चेला घबराय गिया, आरू कयनो लागिा, “यो कसलो मानुस छे? हवा आरू दरियो भी ओको हुकुम क माने।”



काहकि यहोवा-भगवान जगत साथे ओसलो
मोंग राखे कि उका आपनो एकखुळीयो पोच्य
आप दिदो, ताकि उका पर जु कुन विश्वास करे
त्यो नष्ट नी हुयो, पुन अमरकाय
जीवन जड़से।



रोमियो 3:23 एरकरीन कि सब पाप करला छे आरू यहोवा-भगवानन महिमा छे,

रोमियो 6:23 काहकि पापन दाहाड़की ते मृत्यु छे, पुन यहोवा-भगवानन वरदान हामरा पोरबु मसीह ईशु मा अमरकाय जीवन छे।

इब्रानियों 9:27 आरू जोसो मानुस क करता एक बार मरना आरू अतरान करीन बाद न्याय क हुयने नियुक्त छे।

इफिसियो 2:8,9 काहकि विश्वास न लारे दया सी तुमरो छुटकारो होयलों छे, आरू यो तुमरे तरफ रयन नीहि, पर यहोवा भगवान क दान छे; आरू नी कामो क कारण, ओसो नी हुयो कि कोय डाहळाय करे

रोमियो 10:9,10 कि यदि तु आपना मुय रईन ईशु क पोरबु जानीन अंगीकर करे आरू आपने मन रईन विश्वास करे, कि यहोवा-भगवान उको मरलाम रईन जीवाड़े, ते तुखे नक्कि उधदार जुड़से। विश्वास करने से आपनु यहोवा-भगवान क साथे सही संबंध मा आवता छे, ते विश्वास करने से खुद मुय करीन कोतारलीन छुटकारो जुड़तो छे।



यहुन्ना 3:16,17 “काहकि यहोवा-भगवान जगत साथे ओसलो मोंग राखे
कि उका आपनो एकखुळीयो पोन्च आप दिदो, ताकि उका पर जु कुन
विश्वास करे त्यो नष्ट नी हुयो, पुन अमरकाय जीवन जड़से।
यहोवा-भगवान आपसा पोन्चा काजे इनान करता नी मोकल्यु कि जगत पर
दण्डन हुकुम दे, पुन इनान करता कि जगत ओको व्दारा उध्दार जड़से।

1 यहुन्ना 5:11-13 आरू वो गवा यो छे कि यहोवा-भगवान ने हामु
अमरकाय जीवन आप्य छे, आरू यो जीवन ओका पोन्चा मा छे।
ओका साथे पोन्च छे, ओका साथे जीवन छे; आरू ओका साथे
यहोवा-भगवान क पोन्च नी, ओका साथे जीवन भी नी छे।
हाव ने तुमू जो यहोवा-भगवान क पोन्चा क नाव पर विश्वास करता होय,
एरकरीन लिख्या छे कि तुमू जानु कि अमरकाय जीवन तुमरो छे।



मत्ती 8-9; मरकुस 1-2, 4; लूका 4, 8; यहुन्ना 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Dhankavi Bible (dhn) © The Word for the World International
and Dhankavi Mandli, Khargon, Raykhed, Nandurbar,
Maharashtra 2025

<https://www.bible.com/en-GB/bible/4055/MAT.1.DII25>

©2026 Bible for Children, Inc.

www.M1914.org

www.bibleforchildren.org

